



Broj: 168-4b -I/25
Zenica, 31.01.2025. godine

Na osnovu člana 18. stav (2) a u vezi sa članom 10a. Zakona o javnim nabavkama („Službeni glasnik Bosne i Hercegovine“, broj: 39/14, 59/22, 50/24), članova 23. i 24. Statuta JZU Zavod za bolesti ovisnosti Zeničko-dobojskog kantona, broj: 870 - 15- 2- XI/18 od 09.11.2018. godine, Upravni odbor na svojoj 26. redovnoj sjednici održanoj dana 31.01.2025. godine donosi:

ODLUKU o izuzeću od primjene Zakona o javnim nabavkama

Član 1.

Utvrđuju se izuzeće od primjene Zakona o javnim nabavkama (daljem tekstu: Zakona) i podzakonskih akata za njegovo provođenje vezano za nabavke koje su potrebne za obavljanje djelatnosti Javne zdravstvene ustanove Zavod za bolesti ovisnosti Zeničko-dobojskog kantona za 2025. godinu, i to kako slijedi:

r.b.	Predmet nabavke	Brojčana oznaka i naziv predmeta nabavke iz JRJN	Procijenjena vrijednost nabavke bez PDV-a	Osnov za izuzeće	Izvor finansiranja	Napomena
1.	Zakup poslovnog prostora i druge nepokretne imovine	70000000-1- Usluge poslovanja nekretninama	45.000,00	Izuzeća po članu Član 10a. tačka a.	Vlastita sredstva	Ugovor/račun
2.	Medijsko reklamiranje u okviru prevencije	79340000-9 Usluge oglašavanja i marketinga; 9342200-5 Usluge reklamiranja	6.000,00	Izuzeća po članu 10a. tačka b)	Vlastita sredstva	Ugovor/Račun
3.	Notarske usluge	79130000-4 Usluge pravne dokumentacije i ovjeravanja 79132000-8- usluge ovjeravanja	5.000,00	Izuzeća po članu 10a tačka d) alinej 4).	Vlastita sredstva	Ugovor/račun
4.	Takse i sl.	79132000-8 Usluge ovjeravanja	2.000,00	Izuzeća po članu 10a tačka d)	Vlastita sredstva	Račun
5.	Advokatske usluge	79100000-5 Pravne usluge	5.000,00	Izuzeća po članu 10a tačka d) alineja 1), 2) i 3).	Vlastita sredstva	Ugovor/Račun
6.	Kupovina nekretnine-	70120000-8 Kupovina i prodaja nekretnine	150.000,00	Izuzeća po članu Član 10a. tačka a)	Vlastita sredstva	Ugovor

Član 2.

Daje se saglasnost direktoru Zavoda da donese odluke o pokretanju postupaka nabavki navedenih u članu 1. ove Odluke u skladu sa članom 18. Zakona o javnim nabavkama, izuzev

nabavke navedene pod rednim brojem 6., te da provede postupak i zaključi ugovor za nabavke navedene u članu 1. ove odluke ukoliko za istim ima potrebe.

Član 3.

Upravni odbor će donijeti odluku o davanju saglasnosti direktoru Zavoda o pokretanju postupka i uslovima za provođenje nabavke, u skladu sa potrebama Zavoda za nabavku predviđenu u člana 1. pod rednim brojem 6.

Član 4.

Za realizaciju ove odluke zadužuje se direktor Zavoda i Služba za ekonomske i pravne poslove.

Član 5.

Ova odluka stupa na snagu danom donošenja, a primjenjuje se od 01.01. 2025. godine do 31.12.2025. godine.

Obrazloženje

Članom 10a. Zakona propisana su izuzeća za ugovore o javnoj nabavci usluga, i to kako slijedi:

Članom 10a. stav 1. tačka a) usluge sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njim tiču.

U članu 1. Ove odluke vezano za izuzeće po članu 10a. tačka a) odnosi se na nabavke pod rednim brojem 1. i 6.

U članu 1. nabavka pod rednim brojem 1. odnosi se na zakup za iznajmljivanje prostora, a u okviru cijene zakupnine plaćamo i račune za električnu energiju zakupodavcima jer nemamo svoje mjerno mjesto za električnu energiju ni na jednoj lokaciji na kojoj plaćamo zakupninu.

Lokacije na kojima plaćamo zakupninu su sljedeća:

- Kantonalne bolnica Zenica, Crkvice broj: 67.
- Zgrada Zavoda zdravstvenog osiguranja, adresa: Dr. Abdulaziza Aska Borića 28 a.
- Prostorije Federalnog zavoda Penzijsko invalidskog osiguranja, adresa: Prve zeničke brigade br. 1/d

Ugovori o zakupnini sa Kantonalnom bolnicom Zenica i Zavodom zdravstvenog osiguranja ZDK zaključeni su na neodređeno vrijeme, te će se ove predmetne nabavke provoditi u skladu sa potrebama tokom 2025. godine i u skladu sa ovom odlukom.

Procijenjena vrijednost nabavke odnosi se na sve naprijed navedene zakupnine.

Nabavka pod rednim brojem 2. Medijsko reklamiranje u okviru prevencije odnosi se na izuzeće po članu 10a tačka b) Zakona.

Nabavka pod rednim brojem 3. Notarske usluge odnosi se na izuzeće po članu 10a tačka d) alineja 4). Zakona.

Nabavka pod rednim brojem 4. Takse i sl. odnosi se na izuzeće po članu 10a tačka d) Zakona.

Nabavka pod rednim brojem 5. Advokatske usluge odnosi se na izuzeće po članu 10a tačka d) alineja 1), 2) i 3) Zakona.

Nabavka pod rednim brojem 6. izuzeta je iz Zakona po osnovu člana 10a. tačka a) Zakona.

Upravni odbor se rukovodio činjenicom da su obezbijedena sredstva za predmetne nabavke, te da postoji zakonski osnov za izuzeće od primjene Zakona.

Na osnovu naprijed utvrđenog odlučeno je kao u dispozitivu ove Odluke.

Dostaviti:

- 1x Upravni odbor
- 1x Služba za ekonomske i pravne poslove
- 1x Ministarstvo zdravstva ZDK
- 1x a/a

Predsjednik Upravnog odbora
Pero Matijević, dipl. iur.





JAVNA ZDRAVSTVENA USTANOVA
ZAVOD ZA BOLESTI OVISNOSTI
ZENIČKO-DOBOJSKOG KANTONA

Zenica, Aska Borića 28.
Tel. 032 244 544, 032 201 320,
032 201 321, Fax: 032 201 322.
www.zedo-ovisnost.ba
e-mail zdkovisnosti@bih.net.ba

Broj: 168- 4a - I/25-1
Zenica, 31.01.2025. godine

Na osnovu člana 17. Zakona o javnim nabavkama („Službeni glasnik Bosne i Hercegovine“ broj:39/14) članova 23., 24. i 34. Statuta Javne zdravstvene ustanove Zavod za bolesti ovisnosti Zeničko-dobojskog kantona, broj: 870 - 15- 2- XI/18 od 09.11.2018. godine, Upravni odbor na svojoj 26. sjednici održanoj, dana 31.01.2025. godine, donosi

ODLUKU

o usvajanju Plana nabavki Javne zdravstvene ustanove Zavod za bolesti ovisnosti Zeničko-dobojskog kantona za 2025. godinu i davanju saglasnosti direktoru za provođenje postupaka javnih nabavki

Član 1.

Usvaja se Plan nabavki Javne zdravstvene ustanove Zavod za bolesti ovisnost Zeničko-dobojskog kantona, za 2025. godinu, u tekstu koji je sastavni dio ove odluke

Član 2.

Daje se saglasnost direktoru Zavoda za bolesti ovisnosti Zeničko – dobojskog kantona da:

- a) pokrene i provede postupke javnih nabavki iz člana 1. ove odluke čija procijenjena vrijednost prelazi 6.000, 00 KM, u skladu sa Zakonom o javnim nabavkama i drugim podzakonskim aktima donesenim na osnovu Zakona o javnim nabavkama, a koji se finansiraju iz vlastitih sredstava, sredstava Zavoda zdravstvenog osiguranja Zeničko-dobojskog kantona i drugih izvora finansiranja,
- b) donese odluke o izboru ili poništenju postupka javne nabavke u skladu sa članom 70. Zakonom o javnim nabavkama i drugim podzakonskim aktima donesenim na osnovu Zakona o javnim nabavkama i
- c) zaključi ugovore sa najpovoljnijim ponuđačima u postupcima javnih nabavki čija procijenjena vrijednost prelazi 6.000,00 KM finansiranih iz vlastitih sredstava, sredstava Zavoda zdravstvenog osiguranja Zeničko-dobojskog kantona i drugih izvora finansiranja.

Član 3.

Odluka stupa na snagu danom donošenja.

Dostavljeno:
1 x Direktor,
1 x Upravni odbor,
1 x Služba za ekonomske i pravne poslove,
1 x a/a.

Predsjednik Upravnog odbora,
Pero Matijević, dipl. iur.

